



Na osnovu člana 39. Statuta Općine Fojnica, („Službene novine Općine Fojnica- Prečišćeni tekst“ broj: 2/15) člana 5. Pravilnika o raspodjeli sredstava namjenjenih za sport broj: 01-05-758-07/10 od 05.08.2010. godine, općinski načelnik raspisuje:

JAVNI POZIV za raspodjelu sredstava namjenjenih sportu za 2021. godinu

I

Raspisuje se javni poziv za finansiranje ostvarivanja javnog interesa u oblasti sporta na području općine Fojnica, a u skladu sa Pravilnikom o raspodjeli sredstava namjenjenih sportu za 2021.godinu.

II

Nosioci sportskih aktivnosti mogu kandidirati svoje projekte:

- a) ako imaju sjedište na području općine Fojnica,
- b) ako su registrovani u skladu sa zakonom i to najmanje godinu dana prije podnošenja prijave
- c) ako su izmirili svoje obaveze po osnovu poreza i obaveznih doprinosa

III

Prijave treba da zadovoljavaju opće i posebne kriterije propisane Pravilnikom.

Opći kriteriji:

- rješenje o registraciji organizacije, udruženja ili kluba
- identifikacioni broj, za pravnu osobu i broj transakcijskog računa u banci
- matični broj za pojedinca i broj računa otvorenog u banci
- godišnji program rada i finansijski plan za narednu godinu
- prijedlog projekta – programa sa specifikacijom troškova (max. 2 projekta)
- podaci o dosadašnjem sudjelovanju na domaćoj i međunarodnoj sceni
- bilans stanja i bilans uspjeha korisnika za 2020. godinu sa vidljivim pečatom FIA dd
- potvrda Službe za finansije o namjenskom utrošku sredstava dobivenih iz Budžeta/Proračuna Općine Fojnica za 2020.godinu

Posebni kriteriji:

- rang, te sistem natjecanja u kojem klub redovno sudjeluje
- postignuti sportski rezultat kluba i pojedinca u klubu na službenim natjecanjima uz potvrdu granskog saveza koji je organizirao natjecanje
- masovnost (broj sekcija i registriranih aktivnih članova kluba)
- kvalitet i značaj kandidovanih projekata
- doprinos reprezentativnim selekcijama u BiH (uspjesi na međunarodnom takmičenju)
- postignuti klupski i pojedinačni rezultati na državnim prvenstvima, balkanskim igrama, mediteranskim igrama, evropskim prvenstvima i svjetskim takmičenjima
- podaci o licenciranim stručnim sportskim radnicima u klubu

IV

Prijave na Javni poziv sa potrebnom dokumentacijom dostaviti u zatvorenoj koverti sa obaveznom naznakom:

**„Prijava na javni poziv za sufinansiranje projekata iz oblasti za sport za 2021. godinu - NE OTVARAJ“, putem protokola Općine Fojnica ili putem pošte na adresu:
Općina Fojnica – Služba za društvene djelatnosti i stambeno-komunalne poslove,
ulica Bosanska 94, 71270 Fojnica.**

Neblagovremene i nepotpune prijave na javni poziv neće se uzimati u razmatranje.

Javni poziv ostaje otvoren 15 dana od dana objavljivanja na oglasnoj ploči Općine Fojnica i Web stranici Općine Fojnica www.fojnica.ba

Broj: 02-36-749/21
Fojnica, 04.05.2021. godine



OPĆINSKI NAČELNIK

Sabahudin Klisura, dipl. ing.